

Higala, ang Biblia nagpahayag nga sa umaabot nga adlaw ikaw moatubang sa Dios. Sumala sa nahisulat, "...*human sa kamatayon mao ang paghukom.*" (Heb. 9:27). Ang wala nakaandam silotan "*diha sa nagdilaab nga kalayo*" (2 Tes. 1:8). Ang pangutana: **Andam ka na ba?** Kon dili pa, aniyay pipila ka mga kamatuoran nga makatabang kanimo sa pagpangandam.

### **UNA, ANG IMONG KAHIMTANG ATUBANGAN SA DIOS - MAKASASALA.**

"*Kay ang tanan nakasala ug nakabsan sa himaya sa Dios.*" (Roma 3:23) "*Walay matarung, wala, bisan usa.*" (Roma 3:10).

Kini nagpamatuod nga kitang tanan, apil ka, makasasala. Sa iyang atubangan, ang gamay ug daku nga sala, sala gayud. Ang tawo makasala sa daghang paagi. Sa hunahuna, pagbati sinultihan, ug binuhatan, ang sala mabuhat. Ang Dios balaan ug walay kahimuot sa sala.

### **IKADUHA, ANG SILOT SA SALA - KAMATAYON O IMPYERNO.**

"*Ang bayad sa sala kamatayon...*" (Roma 6:23) "*Ang dautan pagabalinon didto sa impyerno...*" (Salmo 9:17). Ang tawo tungod sa sala silotan "*diha sa nagadilaab nga kalayo magahatag sa animalos kanila nga wala makaila sa Dios, ug sa wala magtuman sa maayong balita...*" (2 Tes. 1:8).

Apan bisan pa niini, adunay maayong balita alang kanimo.

### **IKATULO, SI CRISTO - ANG MANLULUWAS SA MGA MAKASASALA.**

"*Kay ang Anak sa tawo (Cristo) mianhi aron sa pagpangita ug pagluwas sa mga nawala.*" (Lukas 19:10) "*Apan ang Dios nagpadayag sa iyang gugma nganhi kanato, nga tungod niana, samtang kita makasasala pa, si Cristo namatay alang kanato.*" (Roma 5:8)

Bisan ang Dios nagdumot sa sala, Siya nahigugma kanato, ug buot nga kita maluwas. Tungod niana si Cristo, pinaagi sa iyang kamatayon, naghatag na sa kinabuhi nga iya sa Dios - ang "**kinabuhing dayon.**" (Roma 6:23) ug kini nga kinabuhi gihimo na nga "**gasa sa Dios**" (Efeso 2:8) aron kita makapangandam ug makig-uban kaniya sa kahangturan. Kini ang bugtong paglaum sa tawo.

### **IKAUPT, SALIGI SI CRISTO ARON MA-DAWAT NIMO ANG KALUWASAN.**

Dihay usa ka tawo nga nangutana ngadto ni Apostol Pablo tungod kay siya buot maluwas:

"*Sir, unsa ang kinahanglan nga akong buhaton aron maluwas? Ug sila miingon, **Too** ni Ginoong Jesus Cristo, ug **ikaw maluwas**, ug ang imong **panimalay.***" (Buhat 16:30,31). Ang kinasingkasing nga pagtoo (pagsalig) diha ni Jesus nagauban sa paghinulsol sa mga sala. Ang paghinulsol mao ang pag-uyon ug pagsugid ngadto sa Dios nga ikaw nakasala.

# SA UMAABOT NGA ADLAW MOATUBANG KA SA DIOS

Sa diha nga ang tawo motoo o modawat ni Cristo, ang Dios maghatag kanila sa *“kagahum nga mahimong mga anak sa Dios”* (Juan 1:12). Gawas niini, ang paghukom may kausaban na. *“Busa karon wala nay paghukom sa silot ngadto kanila nga anaa kang Cristo”* (Roma 8:1). *“...sa adlaw sa kaluwasan ako nagtabang kanimo: tan-awa, karon ang nahimut-an nga panahon; tan-awa, karon ang adlaw sa kaluwasan.”* (II Cor. 6:2).

**Dawata siya karon** pinaagi sa pag-ampo *“kay si bisan kinsa nga magtawag sa ngalan sa Ginoo maluwas”* (Roma 10:13) sama niining mosunod:

*“Ginoong Dios, pasayloa ako sa tanan nakong mga sala. Dawaton ko si Jesus nga Manluluwas sa akong kalag. Hatagi ako sa gasa nga kinabuhing dayon. Amen.”*

Kon ikaw adunay pangutana ug buot sa dugang basahon mahimo kang mosulat sa address:

(When reading an English bible, use a King James Version; any other version will let you down.)

Printed by: Southland Baptist Press, QLD, AUSTRALIA  
FREE TRACTS TO THE THIRD WORLD AS THE LORD PROVIDES  
Email: [info@southlandbaptistpress.com](mailto:info@southlandbaptistpress.com)



## ANDAM KA NA BA?